

De ceulx aucuns sont apprentis
Et veullent la nef gouverner
Selon leur gre et appetis
Ou verriez maintz discerner
Lun dit ie veulx lautre cerner
Le mast nef et tout le nauire
Eureux est qui de dieu fuit lire

Aucuns sedens a appete
Estre au plus parfont en la nef
Et si est vng peu delecte
Mais il voit le peril fort grief
Bien peu sont qui ont cest astref
Et si ma nef oultre ont passee
Beaucoup vault vertuz compassee

Et le dernier de ces courans
Folz comme iay dit cy dessus
Tart arriue et discourans
Deult estre des aultres au dessus
Et tirer le voil hault et sus
Pour entrer en mer bien auant
Doluntiers est creu insauent

Et si vous voulez bien sauoir
Qui est ceste nef sachez que vne
En a chacun et pour tout voir
En est aux folz vne commune
Qui a plus de vne seule hune
Et court en toutes regions
Du de gens a grans legions

Top regnant qui as belle face
De vertuz mire top cy mirez
Et siz mon liure et son preface
Du tu verras des meurs admirez
Si tu es mire te remires
Et tu verras du tout ta forme
Le iuste eslist la bonne norme

Si en mes doctrines contiens
Iucques a ton extremite

Sole bien assure que tu tiens
Et sans auoir calamite
Des cieulx lhauite sublimite
Sans voir denfer loideuse mine
Qui tousiours bien fait cest bon signe

Car ainsi auras fruition
De vertuz sans aultre querie
Et de dieu benediction
Follie ne te ira querie
Nostre nef miras acquerie
Mais prendras le loyal eschange
Vng homme saige est demy ange

Tu iras le chemin et voye
Qui tous bons chrestiens esueille
Et si nas garde quon te voye
Que nape vertuz a loreille
Et saintete toute pareille
Dis de toute vise macule
Qui fait bien pas ne se reculle

Si consideriez mortels
Les faiz et les desirs mondains
Verriez quilz ne sont mors telfz
Si transitoires et soudains
Et plus courans que ne sont sains
Tant quon ne congnoist point leur trace
Nostre temps bien acoup se passe

Et celuy estre fol on cuyde
Pauvre et meschant quant il na riens
Du fil a le cerueau tout vuide
Mais de pechez na les liens
Par auenture les haultz biens
Des cieulx luy seront ordonnez
Aux begnins sont les cieulx donnez

Et lautre bien saige et prudent
Qui ne pense pas estre vni
De pechez et tout euident
On le voit griefuement pigni
Et en enfer comme vng hōni